

蘇東坡尺牘

國學自修用書



上海中央書店印行



1935

上海中央書局印行

民國二十四年一月出版

蘇東坡尺牘（全一冊）定價大洋五角

版權所有
不准翻印

出版者 平如衡

校訂者 儲菊人

印行者 中央書店

發行者 中央書店

全國各大書局均有代售

蘇東坡尺牘

(提)

(要)

善爲文者。於絕港斷流之中。而若有刁乎。大風之突起。軒然異瀾之疊至者。無他氣盛故也。吾於長公書牘見之矣。昌黎氏有言曰。氣盛則言之短長大小皆宜。長公惟能有此浩然之盛氣。故彈劾不以餒其志。遷謫不以挫其懷。而磊落奇偉之才。一以文字達之。其寓諸書牘者。雖視爲餘事。而讀之者。驚爲河漢之無極。若有刁乎。大風之突起。軒然異瀾之疊至者。蘇海之名。古人不我欺矣。爰識數語於簡端。

蘇東坡尺牘目錄

與章子厚書	一
答李廌書	一
答張文潛書	二
答毛滂書	三
答舒煥書	四
答黃魯直書	四
答宋寺丞書	五
陳師仲書	六
答畢仲舉書	七
謝張太保撰先人墓碣書	八
答安師孟書	八
與曾子固書	九
上韓魏公乞葬董傳書	九

答李端叔書	一〇
答秦太虛書	一一
答參寥二首	一三
答王商彥	一四
與程正輔提刑七首	一四
答王敏仲二首	一六
與范純夫	一七
與蕭朝奉	一七
答王莊叔	一八
與循守周文之二首	一八
與封守朱朝請	一八
與李大夫	一九
與周文之	一九

與林濟甫	一九
答劉元忠	一九
答程全父推官	二〇
答程天侔	二一
與鄭嘉會	二一
與僧隆賢	二二
與楊濟甫	二二
與元老姪孫	二二
與范元長	二三
與秦少游	二五
與楊子微	二五
與范元長	二五
與孫叔靜	二七
與朱行中舍人	二七
與歐陽晦夫	二八

答南華明老	二八
答錢濟明	二九
答蘇伯固	三〇
與錢志仲	三一
與人	三一
與宋漢傑	三一
與胡郎仁修	三一
與外生柳閱	三一
與程德孺運使	三一
答錢濟明	三一
答廖明略	三三
答孔毅夫	三四
答蘇伯固	三四
答胡道師	三五
與李公擇	三五

與黃師是二首	三五
與子由二首	三六
與馮祖仁二首	三七
與米元章六首	三七
與錢濟明	三八
與徑山長老惟琳二首	三九
與楊元素	三九
答賈耘老三首	四〇
與千之姪	四〇
與潘彥明	四一
與開元明師	四一
答王定國三首	四一
答靈鷲遵老	四二
與楊康功	四二
答王慶源	四三

答潘彥明	四三
與王慶源	四三
答佛印禪師	四四
與知縣	四四
答李方叔	四四
與王慶源二首	四四
與楊元素	四五
與張太保安道	四五
與李端伯寶文二首	四五
答呂元鈞	四六
與千之姪	四六
與楊君素	四六
與黃州故人	四七
答龐安常二首	四七
答李方叔	四七

與王定國	四八
與李端叔	四八
與范純父	四八
與辯才禪師	四八
與浴室用公	四九
答劉元忠	四九
答王慶源	四九
與陳懿叔	四九
與趙德麟	五〇
與大覺禪師璉公二首	五〇
與大別才老二首	五一
與承天明老三首	五一
與佛印禪師三首	五二
與王元直	五二
與王慶源之子	五三

答楊禮先	五三
與潮守王朝請滌二首	五三
與吳子野	五四
答龜山長老二首	五四
答王定國	五五
與趙德麟二首	五五
與辯才禪師	五五
答參寥	五六
與范純父侍郎	五六
與孔毅父	五六
與范純夫二首	五六
答李方叔二首	五七
答潘彥明	五七
與鞠持正二首	五七
答楊濟甫	五八

與子安兄二首	五八
與子由	五九
與參寥	五九
與錢濟明二首	五九
與孫子發	六〇
答錢濟明二首	六〇
答張嘉父	六一
答徐得之	六一
與康公操都官	六一
與楊濟甫	六二
與周開祖	六二
答水陸通長老	六二
與王慶源二首	六二
答金山寶覺禪師	六三
答富道人	六三

答周開祖	六四
答蜀僧幾演	六四
與眉守黎希聲二首	六四
答范蜀公	六五
答晁叔美二首	六五
與蒲廷淵	六六
與晁君成	六六
與范子豐四首	六六
答王慶源	六七
答參寥	六七
與文與可	六八
與鮮于子駿三首	六八
與歐陽仲純二首	六九
答周開祖二首	七〇
答呂熙道二首	七〇

答范純夫……………七一

與道甫……………七一

答李昭玘……………七一

答范蜀公四首……………七一

答言上人……………七三

答通禪師……………七三

答道源祕校……………七三

與王慶源……………七三

與陳季常……………七四

答吳子野三首……………七四

與李公擇二首……………七五

與蔡景繁九首……………七六

與吳子野……………七八

與江惇禮秀才三首……………七八

答陳季常二首……………七九

與錢世雄……………八〇

答上官長官二首……………八〇

與人……………八一

與千乘姪……………八一

與蒲傳正……………八一

與子安兄……………八一

與王元直……………八二

答圓通秀禪師……………八二

答寶月大師三首……………八四

答趙昶晦之二首……………八三

答濠州陳章朝請二首……………八四

與徐德之……………八五

答陳彞仲推官二首……………八五

與王文甫……………八五

蘇東坡尺牘

與章子厚書

子厚參政諫議執事。春初辱書。尋遞中裁謝。不審得達否。比日機務之暇。起居萬敢當。然少年好文。字雖自不能工。喜誦他人之工者。今雖老。餘習尙在。得所示書。反復不知厭。所稱道雖不然。然觀其筆勢。俯仰亦足以粗得足下爲人之一二也。幸甚幸甚。比日履茲春和。起居何似。軾蒙庇粗遣。每念處世窮困。所向輒值牆谷。無一遂者。獨於文人勝士。多獲所欲。如黃庭堅魯直。晁補之無咎。秦觀太虛。張來文。潛之流。皆世未之知。而軾獨先知之。今足下又不見鄙。欲相從游。豈造物者專欲以此樂見厚也耶。然此數子者。挾其有餘之資。而驚於無涯之知。必極其所如往而後已。則亦將安所歸宿哉。惟明者念有以反之。魯直旣喪妻。絕嗜好。蔬食飲水。此最勇決。舍弟子由亦云。學道三十餘年。今始粗聞道。考其言行。則信與昔者有間矣。獨軾偃偃焉。未有所得也。徐守莘老。每有書來。亦以此見教。想時相從。有以發明。王子中兄弟。得相依幸甚。子敏雖失解。乃得久處左右。想遂磨琢成其妙質也。徐州城外有王陵母劉子政二墳。向欲爲作祠堂。竟不暇此爲遺恨。近以告莘老。不知有意作否。若果作。當有記文。莘老若不自作者。足下當爲作也。無由面言。臨書惘惘。惟順時自愛。謹奉手啓爲謝。不宣。

答李薦書

軾頓首。先輩李君足下。別後遞中得二書。皆未果答。專人來又辱長牋。且審比日秦履無恙。感慰深矣。惠示古賦近詩。詞氣卓越。意趣不凡。甚可喜也。但微傷冗。後當稍收斂之。今未可也。足下之文。正如川之方增。當極其所至。霜降水落。自見涯涘。然不可不知也。錄示孫之翰唐論。僕不識之。翰。今見此書。凜然得其爲人。至論褚遂良不譖劉洎。太子瑛之廢。緣張說。張巡之敗。緣房琯。李光弼不當圖史。思明。宣宗有小善。而無人君大略。皆舊史所不及。議論英發。暗與人意合者甚多。又讀歐陽文忠公志文。司馬君實跋尾。益復慨然。然足下欲僕別書此文入石。以爲之翰。不朽之託何也。之翰所立於世者。雖無歐陽公之文可也。而況欲託字畫之工。以求信於後世。不以陋乎。足下相待甚厚。而見譽過當。非所以爲厚也。近日士大夫皆有僭侈無涯之心。動輒欲人以周孔譽己。自孟軻以下者。皆憮然不滿也。此風殆不可長。又僕細思所以得患禍者。皆由名過其實。造物者所不能堪。與無功而受千鍾者。其罪均也。深不願人造作言語。務相粉飾。以益其疾。足下所與游者元聿。讀其詩。知其爲超然奇逸人也。緣足下以得元君。爲賜大矣。唐論文字不少。過煩諸君寫錄。又以見足下所與游者。皆好學喜事。甚善甚善。獨所謂未得名世之士。爲志文。則未葬者。恐於禮未安。司徒文子問於子思。喪服既除。然後葬。其服何服。子思曰。三年之喪。未葬服不變。除何有焉。昔晉溫嶠以未葬不得調。古之君子有故不得已而未葬。則服不變。官不調。今足下未葬。豈有不得已之事乎。他日有名世者。既葬而表其墓。何患焉。辱見厚不敢不盡。冬寒惟節哀自重。

答張文潛書

頓首文潛縣丞張君足下。久別思仰。到京公私紛然。未暇奉書。忽辱手教。且審起居佳勝。至慰至慰。惠示文編。三復感歎。甚矣君之似子由也。子由之文實勝僕。而世俗不知。乃以爲不如。其爲人深不願人知之。其文如其爲人。故汪洋澹泊。有一唱三歎之聲。而其秀傑之氣終不可沒。作黃樓賦。乃稍自振厲。若欲以警發憤憤者。而或者便爲僕代作。此尤可笑。是殆見吾善者機也。文字之衰。未有如今日者也。其源實出於王氏。王氏之文。未必不善也。而患在於好使人同己。自孔子不能使人同。顏淵之仁。子路之勇。不能以相移。而王氏欲以其學同天下。地之美者同於生物。不同於所生。惟荒瘠斥鹵之地。彌望皆黃茅白草。此則王氏之同也。近見章子厚言。先帝晚年甚患文字之陋。欲稍變取士法。特未暇耳。議者欲稍復詩賦。立春秋學官。甚美。僕老矣。使後生猶得見古人之大全者。直賴黃魯直秦少游晁無咎陳履常與君等數人耳。如聞君作太學博士。願益勉之。德輶如毛。民鮮克舉之。我儀圖之。愛莫助之。此外千萬善愛。偶飲卯酒醉。來人求書。不能復覩縷。

答毛滂書

軾啓。比日酷暑。不審起居何如。頃承示長牋。及詩文一軸。日欲裁謝。因循至今。悚息。今時爲文者至多。可喜者亦衆。然求如足下閑暇自得。清美可口者。實少也。敬佩厚賜。不敢獨饗。當出之知者。世間唯名實不可欺。文章如金玉。各有定價。先後進相汲引。因其言以信於世。則有之矣。至其品目高下。蓋付之衆口。決非一夫所能抑揚。軾於黃魯直張文潛輩數子。特先識之耳。始誦其文。蓋疑信者相半。久乃自定。翕

然稱之。軾豈能爲之輕重哉。非獨軾如此。雖向之前輩亦不過如此也。而况外物之進退。此在造物者。非軾事。辱見貺之重。不敢不盡承。不久出都。尙得一見否。

答舒煥書

軾頓首。軾天資懶慢。自少年筋力有餘。時已不喜應接人事。其於酬酢往反。蓋嘗和矣。而未嘗敢倡也。近日加之衰病。向所謂和者。又不能給。雖知其勢必爲人所怪怒。但弛廢之心。不能自克。聞足下之賢久矣。又知守官不甚相遠。加之往來者具道足下。雖未相識。而相與之意甚厚。亦欲作一書相聞。然操筆復止者數矣。因與賈君飲。出足下送行一絕句。其語有見及者。醉中率爾和答。醒後不復記憶。其中道何等語也。忽辱手示。乃知有公沙之語。惘然如夢中事。愧赧不已。足下文章之美。固已超軼世俗。而追配古人矣。豈僕荒唐無實。橫得聲名者所能眩乎。何其稱述之過也。其詞則信美矣。豈效鄒衍相如高談馳驚。不顧其實。苟欲託僕以發其宏麗新語邪。歐陽公天人也。恐未易過非。獨不肖所不敢當也。天之生斯人。意其甚難。非且使之休息千百年。恐未能復生斯人也。世人或自以爲似之。或至以爲過之。非狂則愚而已。何緣會面一笑爲樂。朱支使行忽遽。裁謝草草。

答黃魯直書

軾頓首。再拜。魯直敎授長官足下。軾始見足下詩文於孫莘老之坐上。聳然異之。以爲非今世之人也。莘老言此人知之者尙少。子可爲稱揚其名。軾笑曰。此人如精金美玉。不卽人而人卽之。將逃名而

不可得。何以我稱揚爲然。觀其文以求其爲人。必輕外物而自重者。今之君子莫能用也。其後過李公擇於濟南。則見足下之詩文愈多。而得其爲人益詳。意其超逸絕塵。獨立萬物之表。馭風騎氣。以與造物者游。非獨今世之君子所不能用。雖如軾之放浪自棄。與世闊疎者。亦莫得而友也。今者辱書詞累幅。執禮恭甚。如見所畏者何哉。軾方以此求交於足下。而懼其不可得。豈意得此於足下乎。喜愧之懷。殆不可勝。然自入夏以來。家人輩更臥病。忽忽至今。裁答甚緩。想未深訝也。古風二首。託物引類。真得古詩人之風。而軾非其人也。聊復次韻。以爲一笑。秋暑不審起居何如。末由會見。萬萬以時自重。

答宋寺丞書

軾自假守彭城。卽欲爲一書以問左右。久苦多事。竟爲足下所先。慚悚不可言也。來書稱道過當。皆非無狀所能髣髴。自少小爲學。不過以記誦篆刻追世俗之好。真所謂寡見淺聞者也。年大來。雖所謂寡淺者。亦復廢忘。至於吏道法令民事簿書期會。尤非所長。素又不喜從事於此。以不喜之心。強其所不長。其荒唐謬悠可知也。而彭城自漢以來。號爲重地。朝廷過采其虛名。不知其實無有也。而輕以畀之。自到郡以來。夏旱秋潦。繼之以橫流之災。扎瘥之餘。百役毛起。公私騷然未已也。計其不治之聲。聞於左右者多矣。仁人君子不指其過。教其所不迨。而更譽之何也。孔子曰。居是邦也。事其大夫之賢者。友其士之仁者。自今與足下往來相聞。知不徒爲好而已。當有以告我者。不勝大願。適會夫役起。無頃刻閒暇。書不能盡意。惟深察之。

答陳師仲書

軾頃首再拜。錢塘主簿陳君足下。曩在徐州。得一再見。及見顏長道輩。皆言足下文詞卓瑋。志節高亮。固欲朝夕相從。適會訟訴。偶有相關及者。遂不復往來。此自足下門中不幸。亦豈爲吏者所樂哉。想彼此有以相照。已而軾又負罪遠竄。流離契闊。益不復相聞。今者蒙書教累幅。相屬之厚。又甚於昔者。知足下釋然。果不以前事介意。幸甚。幸甚。自得罪後。雖平生厚善。有不敢通問者。足下獨犯衆人之所忌。何哉。及讀所惠詩文。不數篇。輒拊掌太息。此自世間奇男子。豈可以世俗趣舍量其心乎。詩文皆奇麗。所寄不齊。而皆歸合於大道。軾又何言者。其間十常有四五見及。或及舍弟。何相愛之深也。處世齟齬。每深自嫌惡。不論他人。及見足下輩。猶如此。輒亦少自赦。詩能窮人。所從來尙矣。而於軾特甚。今足下獨不信。建言詩不能窮人。爲之益力。其詩日已工。其窮殆未可量。然亦在所用而已。不龜手之藥。或以封。安知足下不以此達乎。人生如朝露。意所樂則爲之。何暇計議窮達。云能窮人者。固繆。云不能窮人者。亦未免有意於畏窮也。江淮間人。好食河豚。每與人爭。河豚本不殺人。嘗戲之。性命自子有。美則食之。何與我事。今復以此戲足下。想復千里爲我一笑也。先吏部詩。幸得一觀。輒題數字。繼諸公之末。見爲編述超然。黃樓二集。爲賜尤重。從來不曾編次。縱有一二在者。得罪日。皆爲家人婦女輩焚毀盡矣。不知今乃在足下。許當爲刪去其不合道理者。乃可存耳。軾於錢塘人。有何恩意。而其人至今見念。軾亦一歲率常四五夢至西湖上。此殆世俗所謂前緣者。在杭州嘗遊壽星院。入門便悟會到。能言其院後堂殿山石處。故詩中嘗有前

生已到之語。足下主簿。於法得出入。當復縱游。如軾在彼時也。山水窮絕處。往往有軾題字。想復題其後。足下所至詩。但不擇古律。以日月次之。異日觀之。便是行記。有便以一二見寄。慰此惘惘。其餘慎疾自重。不宣。

答畢仲舉書

軾啓。奉別忽十餘年。愚瞽頓仆。不復自比於朋友。不謂故人尙爾記錄。遠枉手教。存問甚厚。且審比來起居佳勝。感慰不可言。羅山素號善地。不應有瘴癘。豈歲時適爾。既無所失亡。而有得於齊寵辱。忘得喪者。是天相子也。僕既以任意直前。不用長者所教。以觸罪罟。然禍福要不可推避。初不論巧拙也。黃州濱江帶山。既適耳目之好。而生事百須。亦不難致。早寢晚起。又不知所謂禍福果安在哉。偶讀戰國策。見處士顏蠋之語。晚食以嘗肉。欣然而笑。若蠋者可謂巧於居貧者也。菜羹菽黍。差飢而食。其味與八珍等。而既飽之餘。芻豢滿前。惟恐其不持去也。美惡在我。何與於物。所云讀佛書及合藥救人二事。以爲閑居之賜甚厚。佛書舊亦嘗看。但閤塞不能通其妙。獨時取其麤淺假說。以自洗濯。若農夫之去草。旋去旋生。雖若無益。然終愈於不去也。若世之君子。所謂超然玄悟者。僕不識也。往時陳述古好論禪。自以爲至矣。而鄙僕所言爲淺陋。僕嘗語述古公之所談。譬之飲食。龍肉也。而僕之所學。猪肉也。猪之與龍。則有間矣。然公終日說龍肉。不如僕之食猪肉。實美而真飽也。不知君所得於佛書者。果何耶。爲出生死超三乘。遂作佛乎。抑尙與僕輩俯仰也。學佛老者。本期於靜而達。靜似懶。達似放。學者或未至其所期。而先得其所